

आकाशवाणी

पैहले खास-खास खबरां:-

1. अमरीकी राष्ट्रपति डोनाल्ड ट्रम्प होरें शांति वार्ता जारी रखने लेई ईरान कन्नै संघर्ष विराम बेमियादी मुद्दत धोड़ी बधाई दिता ऐ।
2. तमिलनाडू च सबने 234 असैम्बली हलकें लेई मतदान गितै सब्बै तयारियां पूरियां- पच्छिम बंगाल विधानसभा चुनांs दे पैहले गेड़ लेई कल वोट पाए जाडन।
3. रक्षामंत्री राजनाथ सिंह होरें भारत ते जर्मनी बश्कार रक्षा ते औद्योगिक सहयोग दे बाददे विस्तार दी जरुरतें पर जोर पाया ऐ।
4. समूलचा राष्ट्र अज्ज पहलगाम आतंकी हमले दे शिकार लोकें गी चेता करा'रदा ऐ। भारती फौजें आतंकवाद दा षडयंत्र रचने आलें गी सख्त चेतावनी जारी करदे होई आखेआ ऐ जे भारत खलाफ कुसै बी कारवाई दा पक्क गै तगड़ा परता देग।
5. उत्तराखंड दे रुद्रप्रयाग जिले च स्थित पवितर केदारनाथ धाम दे कपाट अज्ज श्रद्धालुएं लेई परतियै खोले जा'रदे न।
6. महिलाएं दे क्रिकेट च जोहान्सबर्ग ते Wanderers स्टेडियम च भारत ते दक्खन अफ्रीका बश्कार 5 मैचें दी मजूदा टी-20 क्रिकेट श्रृंखला दा त्रीय मैच अज्ज खेड़ेया जाहग।

<><><><><><><>

Trump –Ceasefire Extension

अमरीका दे राष्ट्रपति डोनाल्ड ट्रम्प होरें ईरान कन्नै जंगबंदी गी अनमित्थे समें तगर बधाने दी घोषणा कीती ऐ। उ'नें आखेआ ऐ कि दौनें मुख्ये बश्कार शांति वार्ता जारी

रखने लेई एह गैह पुट्टी गेई ऐ। अमरीका ते ईरान बश्कार जंगबंदी दा मुआयदा मंगलवार राती तगर मुक्कने आहला हा। यानि भारती समें मताबक अज्ज बड्डलै धोड़ी राष्ट्रपति ट्रम्प होरें दस्सेआ ऐ कि पाकिस्तान दी गजारश पर एह फैसला लैता गेआ ऐ। कन्नै गै उ'नें उनें इब्बी आखेआ कि जिच्चर इरान केई सांझी पेशकश नैई करदा- उच्चरा इरान दी बंदरगाहें दी नाकाबंदी जारी रौहग। अजें कि राष्ट्रपति ट्रम्प हुंदी एह घोषणा अजें इक-तरफा मन्नी जा करदी ऐ ते इब्बी अजें साफ नैई ऐ कि ईरान ते इजरायल बी एहदे पर सैहमत होगन जां नैई।

<><><><><><>

First Phase Polling

पच्छिम बंगाल च असैम्बली चुनाएं दे पैहले गेड़ तैहत 152 सीटें पर कल वोट पाए जाडन। साढ़े संवाददाता दी रिपोर्ट मूजब- इस गेड़ दे तैहत इक जहार 478 मेदवार चुनां मैदान च खड़ोते दे न। तोंआई तमिलनाडू च सब्बनें 234 असैम्बली हलकें लेई इक्कै गेड़ दे तैहत कल वोट पाए जाडन। साढ़े संवाददाता मूजब राज्य च 5 करोड़ 73 लक्ख 43 जहार शा मते मतदाता न- जेहड़े वोट पाने दे अपने हक्कै दा कल इस्तेमाल करडन।

<><><><><><>

Rajnath -Germany

रक्षामंत्री राजनाथ सिंह होरें आखेआ ऐ जे “आत्मनिर्भर भारत- सह-निर्माण- सह-विकास” ते सांझे तौर पर नमिएं काहड्डें लेई इक मौका ऐ। उ'नें भारत ते जर्मनी दे रक्षा उद्योगें बश्कार सहयोग मज़बूत करने पर जोर दिता। जर्मनी दी अपनी त्रंऊ दिनें

दी जातरा दे पैहले दिन जर्मन संसद दी रक्षा ते सुरक्षा समीति गी सम्बोधित करदे होई उ'नें आखेआ जे दुनिया अज्ज नमीं सुरक्षा चुनौतियें दा सामना करा'रदी ऐ ते तकनीकी बदलावें हालात गी होर गुंजलदार बनाई दिता ऐ। उ'नें बदलदे म्हौल मूजब-नमीं सोच अपनाने दी जरूरतें पर बल दिता। रक्षा मंत्री होरें आखेआ ऐ जे प्रधानमंत्री नरेन्द्र मोदी हुंदे नेतृत्व च भारत दे रक्षा खेतर च ऐतिहासिक बदलाव होआ करदा ऐ ते जर्मनी दे कन्ने सांझेदारी कन्ने दौनें देशें गी बड़ा लाह मिली सकदा ऐ। उ'नें इब्बी आखेआ जे भारत ते जर्मनी नां छड़ा सांझेदार न सगुआं वैश्विक मुद्दें पर असरदार अवाज़ बी हैन। जातरा दरान श्री सिंह जर्मनी दे रक्षा मंत्री ते होरनें नेताएं कन्ने दपकखी गल्लबात करडन।

<><><><><><>

Pahalgam Attack

पहलगाम च होए दे आतंकवादी हमले दी अज्ज पैहली बरसी ऐ। इस हमले च 26 लोक मारे गे हे। पिच्छले बरे अज्जै दे रोज पहलगाम दी बैसरन घाटी च किश आतंवादियें 26 लोकें दी हत्या करी दिती ही। इस हमले च मारे गेदे लोकें दे परोआरें दा आखना ऐ जे इक बरे मगरा बी आतंकी हमले दी टीस बरकरार ऐ। हमले करी पूरे मुख्यें च आक्रोश हा ते इस घटना मगरा गै ऑपेशन सिंदूर चलाया गेआ। एदे तैहत पाकिस्तान च आतंकवादी ठिकाने गी निशाना बनाया गेआ। भारतीय सेना नै सोशल मीडिया दी इक पोस्ट च आतंकवाद आहली साजिश रचने आहलें गी चेतावनी दिती ऐ जे जिसलै बी मनुखता दी हर्दे गी पार कीता जाहग तां उस नापाक हरकत दा बनकदा परता दिता जाहग।

<><><><><><>

PM –Pahalgam

प्रधानमंत्री नरेन्द्र मोदी होरें आखेआ जे मुख्य कुसै बी चाली दे आतंकवादी हमले दे सामने कर्दे नई झुकोग ते आतंकवादियें दीयां साजिशां कर्दे बी कामयाब नई होडन।

पिच्छले बरे अज्जै दे दिन होए दे पहलगाम आतंकी हमले च मारे गेदे बेदोसैं लोकें गी चेता करदे होई उ'नें आखेआ जे इस दर्दनाक घटना दे पीढ़ितें गी कर्दे बी भलाया नई जाई सकदा। महाराष्ट्र दे उपमुख्यमंत्री एकनाथ शिंदे होर कल सईद आदिल हुसैन शाह हुंदे परोआर लेई बनाए गेदे नमें घर दा वर्चुअल माध्यम राए उदघाटन कीता। सईद आदिल पिच्छले बरे पहलगाम आतंकवादी हमले दौरान सैलानियें गी बचांदे होई मारेआ गेआ हा।

<><><><><><>

Pahalgam Security

तोंआई जम्मू-कश्मीर दी सारी महत्वै आहली सैलानी थाहरें पर सुरक्षा गी होर निग्गर ते पुख्ता बनाया गेआ ऐ। सारी सुरक्षा एजेंसिएं गी होर मता सौहगा ते स्तर्क रौहने लेई आखेआ गेआ ऐ। प्रशासन आस्सेआ सुरक्षा सरबन्धी व्यापक इंतजाम कीते दे न- केई सारे पर सुरक्षा निग्गर कीती गई ऐ।

<><><><><><>

Uttrakhand- Kedarnarth

केदारनाथ धाम दे कपाट श्रद्धालुएं लेई अज्ज खुल्ली जाडन। उत्तराखंड च रुद्रप्रयाग दे जिला मैजिस्ट्रेट विशाल मिश्रा होरें दस्सेआ जे प्रशासन नै जातरा दिआं सारी तयारियां करी लैती दियां न। बद्रीनाथ धाम दे कपाट श्रद्धालुएं लेई अज्ज खोली दिते जाडन। जिला ते पुलस प्रशासन नै तीर्थ जातरा गी बवस्थित ते सुरक्षित बनाने लेई व्यापक प्रबंध कीते दे न।

<><><><><><>

India Sea Food Export

भारत दा समुन्द्री खाद्य निर्यात 2025-26 आहले माली बरे च बधियै 72 जहार 300 करोड़ रपे कोला मता होई गेआ ऐ। समुन्द्री उत्पादें दे निर्यात सरबन्धि प्राधिकरण आसेआ जारी आंकड़े दे मुताबक- मुल्खै दा समुन्द्री खाद्य निर्यात 19 लक्ख मीट्रिक टन कोला उप्पर पुज्जी गेआ ऐ। उद्योग ते बपार मंत्रालय नै दस्सेआ ऐ जे इस बाददे च फ़ोजन Shrimp यानि झींगे दा प्रमुख योगदान ऐ- जिसी सिफर कोला बी घट्ट तापमान पर जमाइयै रखेआ जन्दा ऐ। Shrimp जेहड़ा जे 10एं पैरें आहला इक लौहकें अकार दा समुन्द्री जीस होंदा ऐ। उसी झींगा जां झींगा मच्छी बी आखेआ जंदा ऐ। जानकारी मुजब झींगे दा निर्यात 47 जहार करोड़ रपे कोला मता होआ ऐ- जेहड़ा कुल निर्यात दा दो-तिहाई कोला मता ऐ। मंत्रालय नै जानकारी दिती ऐ कि झींगे दे निर्यात च 4 इशारिया 6 प्रतिशत ते एहदे भाह च 6 इशारिया 3-5 प्रतिशत दा बाददा होआ ऐ।

<><><><><><>

Women's T-20 Cricket

महिला क्रिकेट च अज्ज जोहान्सबर्ग दे Wonderers Stadium च 5 मैचें दी श्रृंखला दा त्रीया टी-20 अंतराष्ट्री मुकाबला अज्ज भारत ते दक्खन अफ्रीका बश्कार खेड्ढेआ जाहग। एह मैच रातीं साड्डे 9 बजे थमां शुरु होग। दक्खन अफ्रीका दी महिला टीम नै पैहले दंडु मैच जित्तिथै इस श्रृंखला च बड़ी मजबूत स्थिति हासल करी लैती दी ऐ। तौआई भारती टीम इस श्रृंखला च बने दे रौहने लेई एह त्रीआ टी-20 मैच जित्तिने दी पूरी-पूरी कोशश करोग। इस श्रृंखला दा चौथा मैच औंदे शनिवारें जोहान्सबर्ग च खेड्ढेआ जाहग। इस श्रृंखला दा अखीरी मैच बेनोनी च 27 अप्रैल गी खेड्ढेआ जाहग।

<><><><><><>

IPL –Cricket

IPL क्रिकेट च अज्ज लखनऊ दे श्री अटल बिहारी स्टेडियम बाजपाई स्टेडियम च राजस्थान रायल्स दा मुकाबला लखनऊ सुपर जायंटस कन्नै होग। कल संजा हैदराबाद दे राजीव गांधी इंटरनैशनल स्टेडियम च खेड्डें गेदे इक मुकाबले च सनराइजर्स हैदराबाद नै दिल्ली कैपिटल्स गी 47 रन्ज कन्नै रहाया। 243 रन्ज दे लक्ष दा पिच्छा करदे होई दिल्ली दी टीम 20एं ओवरें च 9 विकेटें दे नुक्सान पर 195 रन्ज गै बनाई सकी। पैहले बल्लेबाजी करदे होई सनराइजर्स हैदराबाद नै 20एं ओवरें च छड़ियां दंडु विकेटां मोहाइयै 242 रन्ज बनाए हे।

<><><><><><>